



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

**Odluka**  
**o obustavi projekcije sadržaja na fasadi nacionalnog spomenika Bosne i Hercegovine –**  
**Gradska vijećnica u Sarajevu**

**(Prijedlog)**

**Predlagač:** Gradonačelnica

**Obradivač:** Stručna služba za poslove kabineta i  
poslove Gradske uprave

**Sarajevo, juni 2023. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Na osnovu člana 31. stav (1) tačka b) i tačka k) Statuta Grada Sarajeva (“Službene novine Kantona Sarajevo”, broj 7/23), na \_\_. sjednici održanoj dana \_\_. \_\_. 2023. godine, Gradsko vijeće Grada Sarajeva donijelo je:

**(Prijedlog)**

**Odluku  
o obustavi projekcije sadržaja na fasadi nacionalnog spomenika Bosne i Hercegovine –  
Gradska vijećnica u Sarajevu**

**Član 1.**

Ovom odlukom Gradsko Vijeće Grada Sarajeva obustavlja projekcije sadržaja na fasadi nacionalnog spomenika Bosne i Hercegovine – Gradska vijećnica u Sarajevu, kao objektu kojim je Grad Sarajevo efektivno i domaćinski upravljao i navedeno pravo Odlukom o osnivanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva („Službene novine Kantona Sarajevo”, br. 32/16 i 8/19) i na osnovu nje notarski obrađenog Ugovora o načinu prenosa upravljanja, zaštite i održavanja objekata Grada Sarajeva i obavljanju komunalnih djelatnosti od javnog interesa Grada Sarajeva: OPU - IP: 1193/2016 i 61/2017, zaključenog između Grada Sarajeva i JP „Sarajevo” d.o.o., prenio na JP „Sarajevo” d.o.o.

**Član 2.**

- (1) Obustava projekcija iz člana 1. ove odluke neće se odnositi na događaje od značaja za državu Bosnu i Hercegovinu (državni praznici) i događaje od značaja za Grad Sarajevo u koje spadaju:
- a) Dan opsade Grada Sarajeva;
  - b) Dan Grada Sarajeva;
  - c) Dan sjećanja na ubijenu djecu u opkoljenom Sarajevu;
  - d) Dan sjećanja na žrtve genocida u Srebrenici i
  - e) Dan sjećanja na žrtve zločina protiv čovječnosti u Prijedoru i njegovoj okolini.

**Član 3.**

Nakon stupanja na snagu ove odluke JP „Sarajevo” d.o.o. dužno je akte i propise preduzeća kojim je regulisana projekcija na predmetnom objektu izmijeniti, odnosno uskladiti sa ovom odlukom.

**Član 4.**

Ova odluka stupa na snagu danom donošenja i bit će objavljena u „Službenim novinama Kantona Sarajevo”.

**PREDSJEDAVALJUĆI GRADSKOG VIJEĆA**

**Jasmin Ademović**

Broj:  
Sarajevo,

## OBRAZLOŽENJE

### PRAVNI OSNOV

Pravni osnov za donošenje Odluke o obustavi projekcije sadržaja na fasadi nacionalnog spomenika Bosne i Hercegovine – Gradska Vijećnica u Sarajevu, sadržan je u odredbi člana 31. stav (1) tačka b) Statuta Grada Sarajeva („Službene novine Kantona Sarajevo”, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u tački k) istog člana Statuta kojim je propisano da Gradsko vijeće upravlja i raspolaže imovinom Grada Sarajeva.

### RAZLOZI DONOŠENJA

Gradska vijećnica, kao jedan od najljepših i najreprezentativnijih objekata u Bosni i Hercegovini, Odlukom o osnivanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva („Službene novine Kantona Sarajevo”, br. 32/16 i 8/19) i na osnovu nje notarski obrađenog Ugovora o načinu prenosa upravljanja, zaštite i održavanja objekata Grada Sarajeva i obavljanju komunalnih djelatnosti od javnog interesa Grada Sarajeva: OPU - IP: 1193/2016 i 61/2017, zaključenog između Grada Sarajeva i JP „Sarajevo” d.o.o., data je na upravljanje JP „Sarajevo” d.o.o.

U postupku izdavanja prethodnih saglasnosti na zahtjeve za odobravanje projekcija na fasadi objekta Vijećnica, gradonačelnica Grada Sarajeva uočila je postojanje određenih problema, odnosno objektivnih smetnji koje su, ne samo u ovom periodu, nego i ranije, dovodile do realnih nemogućnosti u zauzimanju pozitivnog stava u odnosu na traženo.

Upravo prethodno su razlozi uslijed kojih je gradonačelnica Grada Sarajeva prilikom utvrđivanja Prijedloga Odluke naročito imala u vidu činjenicu da je Sarajevska vijećnica kao najpoznatije sarajevsko zdanje, kao gradska kuća, već duže od jednog stoljeća bila u žiži svih bitnih političkih i kulturnih dešavanja u Sarajevu i Bosni i Hercegovini. Ona je svjedok smjene nekoliko državnih sistema, Sarajevskog atentata, strašnih iskušenja dvaju svjetskih ratova, jedinstvenog uspona grada u vrijeme XIV Zimskih olimpijskih igara 1984. godine i konačno, zašto ne spomenuti da je bila izložena barbarskom napadu, paljenju i razaranju. Postala je tako savremenom metaforom urbicida, kulturocida...

U kontekstu predlaganja akta, razlozi kojima se predlagač rukovodio, ako ne i najvažniji, nalaze se u činjenici da je ovaj objekat Odlukom Komisije za očuvanje nacionalnih spomenika Bosne i Hercegovine od 05.09.2006. godine, broj: 06.1-2-270/05-13, proglašen nacionalnim spomenikom Bosne i Hercegovine.

Zbog toga je iznimno važno odgovorno postupati prilikom upravljanja ovim objektom, te u tom smislu procijeniti opravdanost i održivost pojedinih aktivnosti koje se tiču objekta.

Činjenica je da se preduzeće, čiji je osnivač Grad Sarajevo, ovim objektom trudi upravljati efikasno i domaćinski.

Međutim, donošenje Odluke sa predloženom sadržinom pokazalo se kao objektivna potreba koja je ponukana različitim zahtjevima za projiciranje na objektu Vijećnice, kao nacionalnom spomeniku, a na koji način se Grad Sarajevo, prije svega gradonačelnica Grada Sarajeva, pa i JP „Sarajevo” d.o.o., dovode u nezavidnu situaciju.

Članom 2. Odluke predloženi su izuzeci od obustave, a u koje spadaju događaji od značaja za državu Bosnu i Hercegovinu i događaji od značaja za Grad Sarajevo, a koji se ne bi smjeli zanemariti.

Cijeneći naprijed navedeno, a naročito potrebu jednakog pristupa u pogledu podnesenih zahtjeva, pri tome svjesni vrijednosti i značaja koje Gradska vijećnica ima za Grad Sarajevo i našu državu, čemu svjedoči postojanje naprijed citirane Odluke o proglašenju Vijećnice nacionalnim spomenikom od

značaja za Bosnu i Hercegovinu, predloženo je da se na ovom objektu obustave projekcije bilo koje vrste, osim onih koje su precizirane članom 2. Odluke.

### **FINANSIJSKA SREDSTVA**

Za realizaciju Odluke nisu potrebna finansijska sredstva.